

孤松集
乾

앞표지 뒷면

孤松先生文集序



人之世濟其義難矣能濟其義者謂之肖肖者非徒肖其形貌凡心性言行出處動靜無一不相似雖善相者不能別焉斯之謂肖自古及今墮壞其家聲者指不勝屈而能濟義而肖焉者

百不一見其難矣乎梧峯申先
宜慈詳恭儉以爲之性孝友忠信
以爲之行律身甚嚴而行已潔
清以之不容於朝而棲遲東班
以終不能盡其才如孤松先生
卽其胤其事若親一唯梧翁之
於君親者而行已處心亦唯梧

翁之所以行也直言常不容於
時而在官無不一躡其跡其居
家處鄉裝諸口而措諸事者誰
則非格翁之典則乎是故言行
有章出處有法施諸身而及於
人者明白惻怛無少疑晦若先
生可謂能乎矣世濟其美者如

其真肖矣乎不佞晚生不識公
儀刑肖與不何如而其出身而
仕必朝中噴之曰真迺翁子遊
於旅軒張先生之門而先生稱之
曰克世其家者必不佞之言其非
妄揣也先生之遺文故徵士李
振山先生既標點其可傳者而公

之曾孫上舍震龜氏又屬不佞
勘正其誤字處並梧翁先生遺
集壽梓而傳諸後尚序於不佞不
佞才不足以辨賢文不足以傳
信而以世之鮮知德者上舍君
之請累至而不已愚不自量輒
草祭次其遺行既又序梧翁集矣

其於公之遺稿不敢更實別語
而但道公平生心與事善緒而
善述者如此以爲之叙世之二
於知言者讀先生遺集遺事
以不佞言爲可乎爲不可乎
上之十五年仲夏下嶺平原後
人李光庭謹序

孤松集卷一

詩

檜山逢寒食

在檜山衙中
作時年十六

客中時序去何頻三月江南忽暮春
萬樹明花紅已綻千條弱柳綠初新
聊堪小甕傾霞秫不問隣家擣杏仁
陪奉鯉庭還故域只今何恨異鄉人

二

江南歲月苦忽忽寒食今年又更逢
晴靄暮雲山色裏落花芳草雨聲中
青精屢採還無賴白

蟻頻斟亦不功
遙想故園香火起
草堂梅老落
東風

三

桃花欲綻杏花開
冷節今來恨未裁
柳插千門
飄絲影煙沈萬戶
颺寒灰
乾坤時序炎涼改
江海歸心日夜催
欲向東風謀一醉
玉罇相對酌
清醅

謹次槐山舅氏

趙公亨道
號東溪

韻

急景催凋暮蒼茫
峽裏村久遠
驚白髮
叨奉對
青尊
嶺月雷前
面溪沙帶舊痕
青鳥亦吾土
招

得故園塊

輓槐山舅氏

惟我外先世金羅冠冕族一時文武才赫赫聳
耳目中間漸衰替後來誰繼續吾舅挺英特聲
華早起俗效作揚雄賦倒却陳遵續流輩氣欲
盡先鋒孰敢敵詩書是其業弓馬非所欲男兒
有大志少年厭局束搶攘一投筆介冑同馳逐
操毫如有神豈但控鳴鏑取譽名相門汗流文
儒屬平生宦路間不肯隨涼燠牛刀試割雞歷
典四郡牧白首將營兵薄宦非推轂時命乃大

謬拂衣辭榮祿歸來水石鄉高臥便幽獨蛟龍
蟄寒沙鳥雀肥秋粟親近唯几杖晚契存松竹
時看案上書細傾尊中醪弟兄從談詭遲暮慰
寂寞往者封豕突陰風隨鐵木江漢化爲血烽
火被山岳公卿草間啼 聖主園中辱于時送
舅氏遠逐戎馬足崩奔幕府下幾夜風露宿干
戈阻起居悵望山川邈俄間戰陣敗逢人懼消
息生還幸慰意時事驚翻覆未試馬鞍據誰知
范疽劇難望藥餌效冀賴神明力天胡降禍酷
奄忽於牀褥隣人輟相杵骨肉摧心曲憶錫負

及時年纔二七弱淹留受課業慙懃蒙警覺空
今識姓字恩義俱無極方春亂離初奉母入山
谷閭門免乖張死生擬相託人事未可料團圓
竟蕭索悠揚荒山日慘愴故園色櫪馬似戀主
壁弓空留鞬瓢棄尊無綠魚乾書後軸音容難
再奉顧步涉橫臆人生固有涯世事又異昔衣
冠陷塗炭文武爲猿鶴了遺日騷屑稅駕焉所
薄滿目悲生事公歸有何戚况復蝨斯盛盈庭
觀蘭玉應知馬家慶未艾王氏福祇是最難堪
門老漸零落愧甥匪宅相安能似舅酷餘生矣

依仰往事思如昨高堂奉鶴髮獨愁西日迫常
存渭陽清矧今便永隔崆峒之山麓卜得萬歲
宅香火定不缺永願安體魄靈輶斯就道相締
亘阡陌落月悲簫輓秋風動哀壑靈輿在後月
辰良日吉夕瘳忌道纏身孤負臨窆夢幽明自
此訣拜辭長慟哭

輓敬亭李公

氏歲

玉壺秋月炯無塵流俗頽波獨自珍華國清文
追雅頌匡君直筆炳彝倫儒林方切依歸空
邦運還逢矜瘁辰叫向蒼穹何奪速聖朝難

得棟樑臣

庭畔百日紅盛開因寫感戀之懷

雨後千枝忽放紅穠華爛熳夕陽中憶曾南郡

庭前見百日長開瀆海風

按南郡
郎昌原

次趙壽翁

松年韻

雨收雲捲晚涼生一抹斜陽岸外明睡起小堂

人寂寂苔紋如畫滿階青

二

金精一動畫野鹿已踰垣戰守無良策關防失
太原行轅遼海遠殺氣淚江昏撫劍空回首中

宵暗斂魂

閒道壽翁往立巖謁旅軒

張先生

迴吟寄

一絕

卓爾巖頭吾未進風乎亭上子能追一行濡染
應多得豈但錦囊千首詩

告雨

鶴鶴聲高日色溼關風伏雨久連旬田翁每出
愁殘麥村婦長蠶抱濕薪幽逕草深迷舊巷一
川波漲失前津今朝又起看天象西北陰雲若

轉輪

二

萬里風雷颯連旬雨未開山光青漠漠水色白
醴醴田父無消息朋知斷去來沈吟守環堵拘
澗意難裁

簡李子慎

廷機號漫翁

君家知有綠醕新月堂中集衆賓抱病龜巖
門獨掩一庭煙雨鎖松筠

次申君澤瀉韻

士類當今屬望新妙年賢路豈無因風雲一變
池中物翰墨曾稱席上珍魂與夢交存宿契酒

兼談接見天真他時草詔金鑾殿倘憶江湖把
釣人

二

世間交道白頭新末路金蘭幸有因燕石愧投
星隕陋隋珠所得夜明珍天街錫宴榮君寶谷
口躬耕老子真別後雲泥何處憶洞門秋晚斷
來入

趙壽翁置酒邀近地諸伴會飲罷後申君
澤賦長律一首遍寄諸伴求和遂次其韻

按此二詩經丙
子兵亂後作

谷口蕭蕭聽馬鳴，亂離顏面喜逢迎。溪山不負
良辰景，禽鳥猶爲故國聲。釅爛醉却忘殘日暮，狂
歌還繼小燈明。悲來暗下新亭淚，欲上危樓望
北京。

二

參差谷鳥傍人鳴，行到山門倒屣迎。舉目莫揮
周顛淚，長歌須聽楚狂聲。雲霞弄影千林暗，星
月垂光萬壑明。兵後一場新舊面，不知何日會
西京。

次趙壽翁諸伴聯句韻

時余置酒邀諸伴會飲

竹林深處小堂開
暇日招邀勝友來
密坐挑燈繁玉露
相攜移席倒雲鬢
政須今夜歡情洽
莫遣明朝別意催
珍重瓊章畱在眼
數回看去感高才

疊前韻謝諸伴

蓬門晚向水雲開
鶴報松間客子來
已覺秋風生洞壑
更憐明月照樽罍
杜陵戀闕丹心苦
玉粲傷時白髮催
滿座豈終詩酒輩
圖南應有濟世才

送金司書中表兄貫之京一赴瀋陽

龍樓寂寞斷環聲
臣子寧論萬里行
故國衣冠雙鬢白
平生忠信一身輕
關雲漠漠孤鴻叫
遼海茫茫片月明
為問歸期何日是
朔風揮淚倍離情

重陽日有懷

蒼茫湖海歲將闌
佳節逢來却少歡
白首誰同今日會
黃花猶似去年看
詩因排悶吟愈苦
酒有消愁醉未難
祇是故人期不至
暮雲紅樹眼長寒

往在癸亥年先君養病于鷹齋至今十有

五年而孤兒又避痘來寓于此徘徊追慕
向之林亭溪谷杖屨所及之地宛然如昨
齋房四壁墨跡黝然雖不可明謹認其手
筆之猶存摩挲嗚咽自不能已齋門外有
小池先君所嘗修鑿種蓮道遙之處而今
池廢蓮絕反為牛馬所踐踏此亦豈非與
人事變遷者歟感舊之餘情見乎詩

薦齋先隴下鯉對昔年前泉裏音容隔人間歲
月遷依倚四壁墨埋沒小池蓮散想餘芬在難
禁淚泫然

二

趨庭兒是昔年身
萊舞堂中事已塵
最是滿山明月夜
幾回揮淚想風神

大雪入夜不止兀坐寒齋
心神悄然因賦之

天宇蒼茫暝色寒
風驅飛雪凍雲端
衡茅重覆還疑歷禽鳥
輕霑未劇乾窮谷獨居
人跡斷誰家相訪酒杯
寬窻前頻覺衾衾冷
明燭長吟到夜闌

二

向晚風威動漫空雪景新
松棲千白鶴地散萬銀鱗
忽起騎驢興難逢訪戴人
荆扉靜瀟灑何處染鴛塵

雪後寒甚獨坐口占

病夫卧穩朝慵起
深院寒多晚啓扉
日照山崖水影動
風翻林葉雪花飛
女奴汲水顰眉
送穉子呵毫信手揮
龜縮小房愁寂寞
洞門終夕馬蹄稀

夜坐有懷

急景三冬暮羈縲一病身
庭闈辭已久消息問

無因谷遠風聲吼窻虛月色新寒天游子恨此
夜最傷神

余少日從事學業頗有自修之志至今年
迫四十學日退而業未進終不免為鄉曲
腐儒之歸自首紛如之歎自爾而至且男
兒生世縱不能致君澤民庶幾立揚當時
上效涓埃之補下為父母之榮初豈無期
佇於心者而崎嶇場屋虛過半生蹉跎潦
倒已無及焉則古人所謂富貴吾所自有
者其亦誤矣然而若以得失亂吾方寸而

不知窮達之有命亦非吾之所自期也寒
齋歲暮風雨淒然掩卷長歎忽忽有魚鳥
湖山之思因援筆遣懷

老去沈吟惜寸輝向來忠孝素心微學慚無聞
名何晚年近知非計已遠萬里鵬程難一到平
生龍劍擬長揮如今已斷紅塵夢興在雲林與
釣磯

夢見金司書覺後有懷

夢裏分明見欠伸却未真遼河方雨雪關塞尚
風塵千里音書斷三冬別恨新何時一罇酒相

對故園春

二

鴛原心死日，豺窟膽消時。
眠食今安未，音書遠寄遲。
越吟莊舄苦，漢節子卿持。
一會憑遽榻，悽然覺後思。

憶末兒

垂髮雙眉掩，斑衣一尺長。
呼爺常履踵，索飯每從傍。
別我能無恙，思渠未暫忘。
寒天足不襪，應逐小兒行。

輓柳浩然

夙昔同書榻相從竹馬初親知惟我最純謹孰
若如松栢開新兆雲煙慘故居高堂垂鶴髮魂
魄定躊躇

輓申密陽汝涉

輯號
河陰

南州自昔儒林盛醇厚如公最老成行見盤根
須利器驚聞息蓋變丹旌風塵生意入間少詩
酒名流地下傾別有親知長慟處倚門黃髮淚
交橫

寄子慎

時子慎
在霞峴

昨日獲中會今朝別後思煙嵐圖畫展花竹經

紅滋為有重來約聊題一首詩孤琴蘿逕裏引
領已多時

無題

代人作

秋山深處掩孤塊蔓草寒雲齟一罇惆悵小樓
人不在忍看明月照黃昏

輓丹丘孫上舍胤業

曾經萬曆太平年白髮蒼顏地上僊水國桑鄉
身世穩天門蓮榜姓名縣卽今生意那堪說從
古歸人孰得全原號安心松柏裏千秋魂魄定
翩然

輓趙進士納從兄

咸英

丁丑年春哭舅氏又將餘淚送吾兄人間獨抱
存亡痛泉下應深父子情門戶邇來無好事亂
離何處保殘生題辭寄向江南去雲日蒼茫萬
嶺橫

歲時病未省墓悽感述懷

病裏違先墓雲邊望遠岑松楸風雨暗丘壠雪
霜侵歲換思深切天寒感益深潏然今夕淚不
覺自霑襟

立春述懷

臘盡寒猶緊天迴斗已東江山餘積雪梅柳依
春風病去知身健憂多願歲豐桑麻煙月裏行

戴

聖明切

次水山李生

老一草堂石門韻

龜湖回首是吾家春晚田園景物多昔被名韉
能有力長途不覺鬢添皤

早朝過烏嶺

千峯松檜掩朝暉嵐氣霏微灑密衣二十四橋
和夢過落花如雪馬前飛

次驛江麓寺韓相韻

古寺依花木登臨病欲痊山河分大地日月護
諸天白鳥飛無數黃鸝語政圓春風雷一賞回
棹意茫然

迷懷

數月遊京洛歸來鬢已皤風塵徒侶隔江漢夢
魂多拱北心猶切圖南計轉訛傷時無限意回
首一長歌

二

名利非吾願山林引興長關心檢藥裏得意近
糟床自分顏坏鑿入稱楚野狂追思秦嶺路底

事往來忙

喜雨

向晚霏微樹葉鳴
須臾銀竹暗前坪
簷間夜聽佳聲達
渡口朝看白浪生
北闕綸音新罪已
南方旱魃已逃形
秋來鼓腹衡門下
野老同爲聖世氓

九月十二日酒席敬次仲文韻

山齋勝日小筵開
骨肉團圓共酒杯
醉把黃花畱後約
願瞻強健百年來

二

佳節門闌一笑開折花頻覆掌中杯從今願卜
源源會莫待明年九月來

三

清秋暇日好懷開盡醉罇前不放杯紅葉夕陽
爭入眼任教詩句上心來

四

黃花開處玉罇開香滿花枝酒滿杯爛醉不知
山日下暮天風急鴈聲來

階菊政妍感而賦之

愛汝豈無意襟期歲晏同嚴霜香益烈冷雨色

愈濃獨抱淵明興誰知屈子風黃昏政愁寂步
屨遶階東

贈別徐明府

貞復○時移
拜清風郡

聖主推恩重明公舉最先江山宜謝屐樓閣接
秦天地出金沙軟歷登丙穴鮮揚州騎鶴興此
去望如僊

次子慎爲魚亭韻

危臺迢遞絕浮塵高棟層軒制度新溱日晴川
明鏡動連雲遠岫翠肩均爲魚靜裏觀飛躍風
月閒中作主賓從此東華無夢寐與君長往理

漁綸

二

名區蕭灑隔罨塵滿目風煙氣象新高閣凌雲
巖勢斷羣山圓野地形均世間誰識嚴陵瀨門
外相逢鄭驛賓向晚提攜乘逸興白蘋疎雨捲
輕綸

次沈幼清

激

酬唱韻

世事悠悠閱變更茫然遲暮百憂并兵戈慘見
遺氓盡風雨聲聞大廈傾男子十年磨劍志野
人千里獻芹誠嗟蹉跎潦倒今無望欲向沙鷗問

舊盈

二

此身人世若醯雞又聽秋蟲近戶啼病裏光陰
如夢寐老來心事自摧低繁雲弄影迷天際怪
鳥爭呼隔岸西長嘯一聲書咄咄憂端瀕洞北

山齊

又次幼清韻寄示

時幼清在邑中

書靜空堂燕落泥石榴花發竹林西床前暫結
思君夢山水依依路不迷

七月初二日天宇開霽星月交映普雨之

餘曾襟爽然

幾日愁多雨今宵喜見晴疎星垂野白新月出
雲明萬里乾坤豁三更几席清宵襟政灑落朗
詠下階行

次右隱韻遣興

煙嵐一抹映幽居雨後叢篁長尺餘窮巷寂寥
車馬斷案頭閒看古人書

二

白雲深壑閉門居滿樹鳴蟬午夢餘養拙邇來
塵念掃靜中惟事課兒書

三

溪山端合野人居
花竹蕭森一雨餘
風送晚涼秋意早
岸巾高詠卷中書

次豚兒觀漲韻

漏天何日報新晴
白水前灘看復生
急勢崩奔沙岸圻
吹聲喧下石門平
田翁出野愁沈沒
谷獸攀崖恐墜傾
聖代雲雷屯未已
老夫胃臆百憂橫

秋居漫興

漠漠繁陰夕蕭蕭
細雨天蘚花沿砌
隙蛙鼓開

池邊無事仍呼酒看書便欲眠
儵然塵念斷自道小神仙

二

秋雨塵殘暑迎涼逸興豪
閒隨同社老高詠古人糟
竹塢煙光鎖松窻日影高
自知清淨好永願脫塵勞

三

自得園林趣閒居寂寞濱
秋風送歸燕落日斷來人
竹影侵書榻花香襲酒巾
終期百年內飲啄任吾身

四

谷口誰相訪衡門草色深青山疎雨過綠樹病
蟬吟書卷課兒讀酒盃從婦斟村居政寥落入
夜聽寒砧

沈幼清次嚴明府

鼎考

韻來示仍和其韻

平生忠孝用功深遲暮泥塗費苦吟楚野孤蹤
方泣玉漢庭諸子盡腰金風塵世亂邦堪處猿
鶴盟存可更尋寥落掩門秋雨裏賴君相話百
年心

又次幼清韻

白首人間意未窮此身端合臥墻東平生雄劍
空藏匣盡日虛舟自逐風山色水光秋雨後農
歌樵笛夕陽中丘園趣味真堪樂富貴從來付
太空

秋夕偶書

此身衰病日相侵白髮蕭蕭已滿簪三逕故園
元亮宅十年東海仲連心寒蟲回夕啼空院旅
鴈將秋度遠岑藥甘茶甌忘世事不關窮寂少

知音

按此詩三四句
感中原陸沈

秋夜偶吟

松燈明滅照空堂風露淒夜氣涼衰病邇來
偏少睡臥聞庭草咽寒蟬

家人告燈油乏絕明松堂上男讀書女執
工各其職也士女當以勤儉為本因賦以

勉之

秋夜曼曼永松明照壁窠長兒溫故學少女執
漚麻勤儉汝曹事艱難吾道何華堂蠟炬下豪
貴不須誇

次子慎投贈韻

苦憶李豪士清談久不聞書傳龜野鴈人臥鶴

山雲宿雨塵殘暑涼風掃積氛佳期須莫負相
對話義文

留別李立卿廷相兄弟

峽裏逢秋雨淹留攀桂枝爛柯看玉局對酒賦
清詩脆葉梧先謝芳心菊自知風光兼別恨駐
馬更躑躅

次杜詩絕句贈立卿兄弟

涼雨驅殘暑輕風送落花留連到日晚忘却容
程賒

二

朝露爭寒竹夕陽明晚花詩情吾不減罇酒子
能賒

簡內從兄趙子有咸一

方壺風景近如何一別僊區歲月多遙想洞門
秋色晚菊巖楓壁映潭波

次杜詩秋興八首月課題

八月秋風起遠林四山飛雨白森森燕辭舊幕
歸江路鴈向南雲出塞陰天上玉京千里夢鏡
中霜鬢暮年心孤吟此夕愁難遣更有數聲何
處砧

二

秋山寥落夕陽斜
節序驚心鬢欲華
軒陛未陳經國策
江湖空泛釣魚槎
追思萬曆年中事
幾處邊城月裏茄
身老時危無所報
不堪憔悴對寒花

三

寂寞柴門掩落暉
雨餘嵐氣濕霏微
寒蟲號野聲如訴
危葉吟秋意欲飛
世路艱關何處適
年光荏苒素心違
前溪惟有苔磯在
時看鱸魚墜釣肥

四

人世元同一局碁
筭來事變總堪悲
東顧鳳曆懷前日
西上星槎憶舊時
戰士無名出塞久
行宮遠狩入關遲
清秋憶慄千般恨
白首滄洲獨費思

五

天作神都枕漢山
恭瞻宮闕五雲間
廟堂簞屨論當世
閫鎮旌旄擁塞關
一節政須恢舊業
九重能得解愁顏
江南歲晚因多感
衰朽無緣齒鷺班

六

亂後餘生易白頭
一平時序又清秋
江鄉政館尊鱸興
關塞應添鼓角愁
猝猝光陰同隙駟
悠悠身世等浮鷗
山林尚有憂君念
魂夢無端到

漢州

七

未效涓埃報國功
暮年蕭瑟草廬中
柱陵空拂衝星劍
宗慤長思破浪風
霜落洞門楓葉老
雨晴江岸蓼花紅
閒居一味還多幸
且上磯頭作

釣翁

八

漢城形勝四逶迤秋色遙連太液陂僊仗瑞雲
丹鳳闕禁園寒葉老龍枝金鑪香裏清光滿玉
佩聲中爽氣彫獨在天南回首望自憐蕭颯鬢
絲垂

重陽日感懷

風高霜落氣蕭森四壑煙嵐弄夕陰竹葉酒香
初逆鼻菊花房冷未開心天機袞袞時將晚入
事悠悠思不禁却憶去年今日與插茱萸伴共
登臨

次子慎爲魚亭韻

白石明沙十分奇
臺前澄碧是天池
一聲款乃
青山暮世外
風塵也不知

二

超然高臥水雲邊
自道人間李謫仙
詩酒風流
都外物須從
亭號尚前賢

送申君澤之日本

昭代多尊對胡爲
子獨賢秦城天北極
漢節海東邊
行色春將暮
離情老更憐
慙慙執酌處
欲語轉茫然

二

非節纔還後南帆又杳然艱危今日最忠信古
人前瘴雨征衣濕春風別恨牽應知宣化畢歸
及九秋天

暮春

丹丹春光暮非非物色新桃花紅半落梅葉綠
初勻盡日人來少空梁燕到頻幽居無一事寂
寞養吾真

惜春

我欲畱春色其如春不畱落花微雨後芳草暮

溪頭衰謝嗟今日歡娛憶舊遊
寬心有麴蘖一酌散千憂

篋中有二友金諫可然詩篇披閱數回忒

淚而書

宣城才子舊知名存歿于今歲
屢更惆悵筆花猶在篋數回披閱淚霑纓

今年春不雨夏多潦農事失時
西成無望歎傷之懷形於詞

災害無虛歲天心未可占
雨暘俱不若旱潦沓相乘
漠漠雲衢路蒼蒼玉殿簾
監門圖在手中

夜百憂添

庭畔有百日花樹雙榦挺立去冬寒甚花

樹盡枯今年新叢茂盛開花可愛

貞如松竹亦凋殘脫榦柔枝豈耐寒猶有新叢
抽數尺開花依舊去年看

次李德輝臺巖會韻

間尋蘿逕上高臺斜日憑欄共把盃列壑巉巖
空外立長江隱見峽中來雲霞有約交情淡風
月無邊逸興催更喜清秋佳節近重遊須趁菊

花開

二

樓上炎蒸遁乘涼却訝秋清罇同笑語玉局且
遲留月出山容靜更深水氣浮團圓到雞曉便
覺散千憂

次嚴明府

此身端合臥田家萬事如今不怨嗟多荷使君
寬禮數且將罇酒慰生涯衰容自哂千莖雪佳
節重逢九日花寥落掩門秋色裏回瞻東閣手

頻加

次李德輝韻

西風落葉舞寒梢斜日虛窻見小蛸四壑煙嵐
圖畫展一階花竹翠紅交愁來暫拂銜星劍醉
裏空彈偃月鞘世事卽今堪白髮餘生祇合臥
書巢

沈幼清來傳嚴明府重陽會酬唱韻因和
之

使君才德溢心胷千載重瞻宓子容善政治民
除害馬佳賓滿座騁雕龍紅粧錦瑟良辰會黃
菊清罇逸興濃獨有習池吟病客不眠寒夜聽
霜鐘

又次公堂酬唱韻

五十年來夙計違鏡中顏狀漸成非天寒江浦
蛟龍蟄日暮園林鳥雀飛自信吾生元有命誰
知此老已忘機從今堅臥雲山月莫遣緇塵染
素衣

次鄭金兩友酬唱韻

一別如今歲月深相思幾費短長吟風塵荏苒
書難寄山水間關夢獨尋丹葉黃花粧晚景薄
雲輕靄弄清陰爲魚亭上前期在何日攜登滿
滿斟

次尹元賓以觀軒亭韻

棟宇臨青壁，籬籬向綠灣。
不關無外客，只愛對前山。
夢斷雲霄上，心閒水石間。
時憑藜杖過，細話便忘還。

二

巖頭成小屋，簷影落清灣。
貼石防墮岸，移松補斷山。
襟期三逕裏，心事一罇間。
堪笑東華客，遲回久不還。

三

伊昔青門裏，如今碧水灣。
風塵逃宦海，京洛阻

雲山靜憇依松下閒吟坐竹間
翛然無世念不羨錦衣還

次子慎韻題元賓草堂

早占碧山棲前臨白石溪
窻開平野闊簾捲遠峯齊
對酒愁全減投床夢欲迷
看君多逸興橋柱不須題

二

愛此數椽樓蕭然瞰碧溪
身為南客久心與古人齊
雨過松巖濕煙籠柳岸迷
應知詩興發拂石信毫題

三

策杖訪冥樵，苔深雲滿溪。
緣崖危磴曲，疊石小階齊。
木落山容瘦，沙平鴈影迷。
沈吟不覺暝，寒月映猿題。

輓申汝遠

志道

鵝洲殘緒幸綿綿，先祖遺風不_一乏賢。
情以門親相眷戀，事關鄉射倚周旋。
人間存歿嗟今日，洞裏逢迎憶昔年。
匹馬他時挑岸路，為誰經過暫_一停鞭。

孤松集卷一

孤松集卷二

詩

赴召命到漢江聞遞即回程甲申五月以注書陳

疏歸省親齊乙酉正月
上降旨持召

名利奔忙媿此生勞勞來往一千程
虛霧雨露無由報獨抱琅玕未敢呈
落日漢津橋影動春風關路馬蹄輕
長思鶴髮今安否應倚柴門望我行

竹山道中偶吟

東風芳草岸邊生吟倚征鞍信馬行
關嶺極天

雲日暗不堪千里望鄉情

早過龍安坪

漠漠平蕪宿霧浮短鞭羸馬道途悠如今始覺
楊朱泣添殺征人白髮愁

路逢白足細語金剛形勝

名利場中世念纏人間膏火幾相煎聞渠細話
金剛勝願借飛筇訪羽僊

奉呈嚴明府行軒

東風官路馬嘶移歸興飄然不可追為問玉溪
明月夜瑤琴聲裏倘相思

二

琴鶴行裝不少留
追思撫字淨空流
那堪昔日絃歌處
楊柳依依掩小樓

客中述懷

時壽在齋舍

前臘曾爲客
今春尚未歸
眼看新曆日
身著舊鶉衣
松逕從荒草
梅園帶落暉
應知少兒女
掩首倚荆扉

遣懷

此生愁緒苦
多端半百年
來覺歡歡鶴
髮堂前
兼喜懼紫
荆花下
獨悲酸
形容不是
緣詩瘦
懷

抱無因得酒寬門掩小齋窮寂裏沈吟坐到夜
將闌

松林

蒼髯赤甲鬱成林月上峯頭萬壑陰靜聽葉間
風起處依然清夜奏笙琴

雨後偶吟

春雨初晴後攜筇步履遲巖花披紫錦堤柳颺
青絲魚菜溪山足農桑節候宜田園多樂事何
日是歸期

三月十九日姪喪發還故山時余寓在齋

合不得哭送其日曉登山麓瞻望一慟而
迴拭淚書懷

孤生人世意何如忍見靈輶返故居鶴髮在堂
西日暮歸魂歧路定躑躅

二

丹旄淒涼獨去邈此行那得問前期春山曉月
無窮慟天地茫茫亦不知

漫興

青山隱隱水潺潺啼鳥聲中獨掩關外客不來
塵慮靜幽居偏覺一身閒

憶草堂

蕭條茅屋竹階隈
客裏愁吟久未迴
想見苔庭人不掃
東風無數落殘梅

二

寂寂衡門傍翠微
滿園花柳鬪春輝
應知舊日巢堂燕
簷外含泥兩兩飛

聞杜鵑

爾是微禽豈有知
翩翩毛羽託叢枝
如何入夜思歸切
啼向曉天無歇時

春望

偷閒尋石逕倚杖憇松岡
隔葉鶯聲慧舍泥燕
意忙桃花迎日暖柳絮逐風狂
萬象皆春氣
羈懷獨自傷

新綠

千山處處落殘紅
桃魏繁華一夢空
猶有滿園新綠好
清陰來映墨池中

題亡友林汝平

以準草堂

故人亭子偶來尋
石逕荒涼草樹深
猶有昔年庭實
在叢篁殘菊認傷心

二

殘簷破壁帶愁煙人去亭空度幾年
暮酒舊遊如夢寐不堪登眺淚潸然

送子慎觀月城

按紫巖公時為府尹

秋風吹起海雲閒遊子行裝日夕催
遙想鯉庭環侍處棣華凌亂映階隈

二

月城形勝冠南州君去應知放遠眸
佇待錦囊收拾至病中披沅慰窮愁

三

經旬客裏荷相遇此日難堪別恨多
何處青樓

明月夜金罇玉管醉婆婆

輓南士鎮

君是髫年我弱冠
早將交契託心肝
向來憂病頻相問
遇處盃尊必盡歡
泉路徽音從此隔
匣琴流水爲誰彈
他時遊歷星山下
恐見荒原草樹寒

宿永順村舍

簷雨淋漓客夢驚
水村西畔聽雞鳴
朝來却恐灘流漲
催整晨裝上馬行

途中有感

白首人間少宦情，胡為扶病又西征。
衝泥倦馬關山路，應使沙鷗笑此生。

滯雨水橋

水橋村裏稅征鞍，白雨連山漲石湍。
煙澀漏薪爨火滅，風穿疎屋鬢毛寒。
鄉愁昏昏身將老，客思茫茫齒欲酸。
頭上陰雲猶未捲，計程何日入長安。

次赤羅宰金汝明臺巖酬唱韻

突起金剛百尺臺，一區形勝自天開。
風檣端合高人臥，雲壑應嗔俗士回。
飛絮落花春色暮，晴

沙白石水聲來吟邊景物難收拾誰借宵中錦
綉堆

又次酬唱韻

喜喜風日暖策杖暫投筇幸接宣城謝仍舊居
士龐清談繁玉露新釀倒甕缸望遠同憑檻迎
涼更拓窻乾坤春欲盡山水景無雙漠漠花如
雪陰陰樹作幢煙光迷古岸日腳下平江詩有
神應助愁因酒自降睽離凡幾歲邂逅卽南邦
願託雲霞契超塵避亂咤

輓沈府尹

按此在全州時作

平生翰墨散珠璣名譽才華一代稀
鵬向碧霄方奮翼鳳尋丹穴奄藏輝
四年南國閩門隔千里東風旅櫬歸
最是親知幕府客吞聲不覺淚霑衣

竹筍

與沈金雨
生酬唱

巖前新筍迸連牆雨裏森森尺寸長
嫩箨斜裁紈濕露尖頭巧削玉生涼
臨軒恍若睢園景蒨逕還同粟里鄉
會待千竿拂雲立北窻閒聽奏笙簧

逆旅中與金述初鄭慶餘諸伴會飲

玉露三更夜金風八月秋樽前逢嶺伴客裏慰
鄉愁白首歌猶壯青衫宦未休何時攜惠好雲
水理歸舟

次金沈酬唱韻

金乃主
倅券也

風流當世士俊逸不羣才整鬚弄張顛筆鯨吞李
白盃扁舟南渡久匹馬北歸催遙想藏溪上行
尋舊植梅

金善草書家在
藏義洞故云

二

我是龍門客君如馬子才異時頻接袂何處更
斟盃別路連天遠歸心與日催禮羅聞取士事

業仔鹽梅

三

末路初相識

停盃嶺樹歸

渴欲吞梅

四

客裏逢君話

分盃官柳鶯

對雪中梅

壬辰十月

別權季明以亮

塞雲迢遞北風寒
冰雪關山道路難
白首相看成遠別
不堪愁思集征鞍

二

月沈江岸鴈聲長
促節繁絃暗斷腸
惆悵與君分手後
天涯相憶路茫茫

在平海配所謹次季父韻

賈傳空懷戀主心
梁鴻底事不平吟
孤臣報國非無日
只怕年衰白髮侵

追次李上舍翼世韻寄贈

丹陽形勝國東偏人傑如君豈偶然風度定知
追阮謝文章直欲繼雄遷樽前忽漫言難盡夢
裏依稀意未傳遙想海山春攸好錦囊詩興獨
能專

次浩然亭韻

亭在平海越松浦黃君湜家亭也

尋真謁爾入金華向晚行行踏玉沙借問石羊
何處在白雲深鎖赤松家

次李立卿葦湖呈亭韻

慳秘千年若有期青丘地誌不應遺騷人今古
畱佳句洞老春秋會秀眉風動蘋洲香滿袖月

臨蒞岸冷侵肌夜來搖曳煙波裏
棹蘭漿隨所之

二

登臨恍若訪安期天鏡何年此地遺
檻外老松張翠蓋岸邊垂柳展明眉
波光有意爭呈態酒暈無端自上肌
人世浮名都夢幻一竿雲水願從之

次真城養真堂韻呈李子和守誠

佩聲顛倒下烏臺天上僊蹤暫謫來
臥閣只看書與史養真長對竹兼梅
清川遠出丹砂窟列

嶂妝成碧玉堆
匹馬重尋違宿約
憶君無計共

斟盃

時子和以持
平黜為縣監

前多餘蒙

恩譴路過花山
鄭仲則賦追

送到府城南
聯枕而宿仍
以別語贈行李

翼之聞而和寄
二絕追次其韻
呈仲則翼

之兩友

故國一千里
孤臣方寸心
驛亭寒日瘦
關樹凍

雲陰敢抱懷
沙怨猶存報
主枕窮途分
手後恣

聽塞鳩音

二

聖主陽春澤微臣腐草心天涯收客淚歲暮返
龜陰虛負圖南志空懷拱北忱有時殘夢裏長
樂聽鐘音

柬子慎時慎在洛陽

別後思君夢不成計程今已入秦宮飛騰莫負
圖南志潦倒空懷望北情臺上鳶魚誰復賞山
中猿鶴浪相驚青雲舊伴應無數那識居人唱
渭城

輓李懷仁汝廓弘祚

吾友當時傑才名戰藝初鸞棲曾枳棘蟻屈久

泥淤論議令人服醉真孰子如安貧尋古道
世卜幽居雲樹三年別存亡萬事虛淒涼
畱寶帙慘愴返靈輿哀壑霜風動荒原
落木疎無因漬酒送瞻望淚霑裾

次臥雲居士鄭仲則韻

勝地編茅景自幽主人高致揖浮丘
倘來軒冕非關念靜裏琴書足
散憂雲斂鶴陰明遠
齒雨晴沙渡漲春流
疎慵久抱煙霞想
何日相尋社若洲

心迹雙清地轉幽
巖塵那及臥雲丘
考槃隨處堪乘興
獻策當筵設抱憂
山鳥過庭屏裏云
水花飄岸鏡中流
遙知獨酌糟牀下
醉後行吟白鷺洲

次水落臺韻

按水落臺在安東甘泉水石奇勝辛丑九月鶴沙金公拙

齋柳公木齋洪公與一時諸賢約會臺上相酬唱時公任基川送酒助歡仍和其韻

松桂叢中細路回
隔溪楓葉錦新裁
山明疑有丹砂窟
境僻誰知白玉臺
後水復隨前水落
今人又繼古人來
清秋悵望羣仙會
自愧塵襟獨未開

未開

輓申君坡

血盡高柴眼驚聞玉樹凋經庭如夢寐鵬翮失
扶搖故宅梅初發荒原雪正飄無因漬酒送垂
淚坐寒宵

輓金經歷德以

震遠

宦海津頭別幾年遙瞻鳧鳥塞雲邊自憐零落
殘魂在誰料悲涼旅櫬旋往事已驚為蝶夢沉
光難繫縱風船當時鴈塔題名處點檢存亡一
愴然

次南塘酬唱韻

聞說新開數畝園，幽棲端合養靈源。
霞光掩映丹砂窟，泉響潺湲白石根。
追遠感深霜露節，投閒樂在萼蓬門。
傍人遮莫題招隱，世事如今不欲言。

二

疇昔雲衢逐衆賢，晚尋三徑詠陶篇。
誅茅擇勝身堪老，品石題山句可傳。
祇愛松楸長入眼，且將菘酒用爲年。
多君孝思兼幽興，何日相從一粲然。

三

谷口深藏不啓關
園林蕭灑隔塵寰
耽看松菊巡簷外
酷愛圖書滿壁間
爭說聖君方側席
却歎賢士久棲山
紛紛堪笑終南客
何似寒泉自在間

輓護軍舅氏

趙公遵道

系出簪纓後身居山水鄉
爲仁由孝悌稟性本慈祥
筮仕年差晚歸田鬢已霜
風塵無夢寐魚鳥與倚伴
物外生涯足間中日月長
門闌共和樂隣里襲馨香
星彩垂南極萊衣舞北堂
始終元有理倚伏互無常
崑玉思優洽仙斲去杳

茫自慚非宅相酷似豈何郎曠歲違牀下縣情
在渭陽前冬猴顏色此日賦些章人事嗟難恃
音容耿不忘滿庭螽羽聚耀穴鳳毛藏餘慶人
皆行遐齡世孰方百年還倏忽萬事卽悲涼哀
墓堂畱號驚呼鴈失行幽明今別舅孤露倍思
孃落月棲丹旒秋風動白楊青山一哭罷流淚
自霑裳

輓南僉使大哉

海守

虎榜登名早天門授鉞遲伏波克莫白都尉數
多奇身佩前年玦魂招舊日衣薤歌經過路瞻

望淚交頤

時大哉在謫所喪也
故第三句五句及之

輓李君姬老

處士生涯蓬水湄
長年茅屋耐寒飢
龍門路阻
奇才屈
蘭砌芳殘
舊業衰
玉露清
談難更聽
錦囊玄訣孰重披
臨牋別有無窮痛
鏡裏孤鸞不

悲窺

次沈幼清韻贈李子慎

按李公三代守忠州

祖子孫間歲幾經
今君踐位牧遺氓
雄藩游刃承先跡
暇日鳴琴對晚晴
街路行看螭首聳
邦人惟恐雪山輕
光前懋績真無忝
從此鵬鷺萬

里程

輓李上舍士明 重脩

有美儒林秀家庭世襲善聰明兼孝友樂易且
端良早抱屠龍志時從戰藝場人期攀桂客名
止採蓮郎璧月沈滄海蘭香墮夜霜高堂雙白
髮虛幌二青孀香火嗟無主晨昏孰事亡徽音
歸厚夜寶帙落空牀霞壠千年宅雲山一畝庄
不堪回首望揮涕賦哀章

次李立卿漁梁韻

雨後前川赤鯉肥漁梁日夕坐忘歸波頭不見

金鱗下應向龍津待奮飛

二

幾年塵土憶鱸肥雲水鄉中早賦歸竹杖芒鞋
濠上興相親惟有白鷗飛

申君咳卜居於新堤湖邊前年春過其居
草堂瀟灑景趣可愛壁上有沈久玉致短
律諸人多和之仍次其韻

谷口幽棲地湖邊別有天波澄魚動鏡沙晚鷺
依煙樹影侵書榻花香襲酒筵誰將山澤勝移
入畫圖傳

二

暇日乘春興經過小洞天初疑非世界更喜有人煙捲網魚登艇開罇月滿筵名區知有主慳秘待君傳

輓成江界汝習

以性

小白山前一別離嶺雲湖月幾相思宦途榮辱何須說暮境存亡祇自悲百歲桐鄉遺惠在三朝蓬閣令名垂如公合置儒林傳借問當今秉筆誰

輓李君景栢

養拙田園裏甘爲 聖世氓明農守舊業教子
讀遺經風急連枝落天寒獨鴈鳴白頭題訣語
瞻望淚河傾

輓李君景樟

荆樹風摧日色愁百年人世事悠悠雲庵山裏
連新壠應有雙魂月夜遊

右悼兄
弟俱逝

詠盆上紅梅

誰想紅珠綴綠枝耐寒貪睡故開遲夜來忽覺
芳心綻酒暈何從上玉肌

芳姿移上小圓盆日夕相看坐到昏論品莫分

紅白色均為雪骨與冰塊右用幼清韻

三

昭君朱粉春風面曾向當年畫裏看千載貞魂

猶未滅更將芳艷託枝端

輓李君廷望

養拙田園裏沈冥送一生教兒傳世業閉戶免

鄉評暮境存亡痛重泉父子情從前分義篤別

淚自霑纓李君歿後其孤繼亡故第六句及之

李方伯尚真歷訪而去中路見寄仍次其

韻

魏野幽居萊節過夕陽瞻望使人愁此後相思
何處是白雲紅樹楚山秋

輓鄭參奉仲則

文希韓柳筆鍾王半世才名一命郎窮達在天
君豈恨存亡殊路我偏傷愚川勝景還蕭索雲
寺佳期孰主張莫歎鄧家無繼嗣螟蛉有子奉

靈林

仲則嘗以善要我會話于孤雲
寺遷延未果幽明遽隔痛哉

二

天以才華既賦君胡為落魄臥江濱書樓老去

光陰促試院年來好惡分
儵夜忽驚沈璧彩此
生何處襲蘭薰
惟餘篋裏珠璣在
畱待侯巴識
子雲

次丁上舍君獻

瑜韻聞君獻作乞糶行中
韻路阻雨徑還余以穀

斗教
其窮

書憲攻苦不謀身
垂白堪憐作乞人
勺水可能
霑涸轍定應捋腹坐寒晨

二

老驥之心病鶴身
邇來接作碧山人
閒居尚抱
憂君念夢入天門
玉漏晨

石寓居無
述懷

戀盆梅

瓦盆尺土託孤叢嫩芳團團幾點紅別後邇來
消息阻好須無恙待東風

贈別申方叔

博

謫行

子罪伊何我不知相看無語暗含悲家庭所學
惟忠信莫向明時作楚詞

二

商飆蕭瑟馬寒嘶一鴈孤征帶夕巖雷雨湖山
應不遠佇看髭髮勝平時

輓丁上舍君獻

事業螢窓下田園鶴麓邊
功名違宿計詩酒送
殘年此別泉童隔餘生
雪滿顛哀辭兼慰語庭
有子孫賢

次子慎韻

宦海波邊莫卮危山中猿鶴怨歸遙
世情閱眼經千變時事關心值百罹
白首投閒聊可樂青雲失路不須悲
知君老去猶豪爽好展賓筵喚雪兒

又次子慎韻

大器如君行晚成胡為牢落過平生
羊腸在眼

常存戒滅善潛波豈不驚元亮田園尋舊逕社
陵心迹喜雙清誰知冰月堂中老逃世高風衆
所凡

二

國恩圖報竟無成簿領叢中誤半生物外霞煙
歸思切鬢邊霜雪壯心驚高名月嶽山俱仰廉
德琴臺永共清歲晏襟期松菊在結交何羨孔
方凡

次子慎爲魚亭韻

一去名區已十年多君歸臥謝塵綵平沙鷗鷺

來還往列嶂煙雲斷復連
遲暮關心親玉友
中和無夢預金錢
楮間况有遺文在
莊誦應無外物牽

二

金剛突起作臺形
敬老當年卜此亭
檻外清流枕練素
雲邊遠岨擁螺青
業傳堂構瞻輪奐
身出風塵入窈冥
飛躍一章須理會
世間何物擾心扃

三

躍者爲魚飛者爲飛
何戾天躍何淵
目前活潑

觀其妙心上推明識所然萬化流行元浩浩一章拈示最拳拳茲亭佳號非徒爾須對遺編仔細研

四

一江風月擅雙清鐵壁曾經禹斧成堂構奪觀稱孝子曾襟追想揖先生天淵妙理常存目軒冕浮榮不係情莫道黃樓滕閣勝何如靜裏玩誠明

疊前韻

指魚鳶問曰魚鳶那識飛天與躍淵仰觀俯察

唯理耳揚鱗縱翼各悠然先生卜地畱嘉號才
子題詩敵老拳白首紛如吾有歎願將心法共
君研

次景賀亭韻

亭在佳音里

賀燕爭飛繞檻邊
巋然傑構帶冰川
比隣少長同修契
佳節春秋每展筵
會見風流成美俗
政宜觴詠度殘年
白頭却憶經過地
猶記當時父老賢

次趙顯甫

咸世

五宜軒韻

東風起幽壑人臥草堂春
一任吹衰鬢何嫌落

醉巾欹傾花影亂
搖颺柳絲新
緬想詠歸興
山

林足養神

右春宜風

小軒納夕涼
峽裏政炎夏
露頂倚牀邊
投襟臥牖下
心神自爽清
時日多閒暇
借問熱中人
何

如趙上舍

右夏宜涼

雲陰廓掃盡
桂影一天秋
羣壑忽如晝
疎簾催上鉤
興因詩自遣
人與景俱幽
清福君偏享
塵

中知者疇

右秋宜月

幽人不出戶
偃息過深冬
但聽風敲竹
寧知雪亞松
爐煙凝滿壁
罇酒煖盈鍾
堪笑紅塵客
衝

寒趁曉鐘

右冬宜燠

知君多道氣，瀟灑出塵間。
小構宜經歲，殘年合養閒。
興來長對酒，睡起飽看山。
歎我衰頽甚，高蹤不可攀。

右此身宜處其間

冰院口號

時鄉中老友多會

雨後山中並馬行，洞門流水浪初生。
衰年重引雲林興，塵世還慙利祿榮。
話及舊遊渾似夢，醉斟深壑更多情。
從今惠好頻來往，莫負香山九老盟。

二

樽前握手酒三行
白髮蕭疎愧後生
漠漠溪山雲裏隱
依依花雨中榮天
邊虛負圖南志
樓上空懷望
非情送老林泉
惟有計願君從我
結幽盟

三

樓前立馬欲將行
挾袂踟躕別恨生
佳句迭酬追太白
深杯更酌對公榮
他時會合須如約
數日團欒不盡情
翻覆世間堪可笑
吾儕庶保百年盟

洗心亭口號

亭在水院溪邊

十年奔走喪吾真頭上蕭蕭白髮新此日塵心
都洗盡從今免作逐名人

鳶魚亭酬唱韻

吾鄉老友皆來會張若聖源亦不期而至時流頭也

主人亭子似僊居匹馬重尋十載餘雨歇江聲
吹地轉煙收月色動沙虛罇前共喜非新而物
外還忘返舊閭老去紅塵無夢寐卜隣吾欲結

茅廬

右口號

由來分義自先公憶昔過從洛水東爭說傳芳
家範在祇憐遭別命途窮塵埃末路多軒鶴雷
雨何年起蟄龍自首吾生今已矣投閒方欲學

伴聾

右次張聖源

江畔有臺臺有樓赤羅形勝是西陬深林細逕
尋前迹層壁危巖到上頭漠漠煙霞迷遠壑依
依笙鶴過長洲此身如在方壺裏乘興都忘鬢

髮秋

右次主人韻

二十年前久別離嶺雲湖月幾相思重逢不覺
淹歸駕暮境情懷異少時

右贈聖源

疊次前韻以謝主人

聯翩驅馬訪巖居政值流頭一雨餘層壁出雲
山勢斷晴江漾日水光虛良辰邂逅仍同席疇

昔分張各異閣從此共成來往計不關鳴玉禁
中廬

二

投紱高風孰似公晚年閒趣在墻東一區風月
藏無盡十里江山望不窮莫遣佳人彈別鶴更
聽豪客騁雕龍餘生敬雪同歡飲世事如今只
願聾

三

才器端宜侍鳳樓胡為棲息水雲隈積年輿馬
塵隨眼晚鄧江湖雪滿頭山鳥遠過青草岸沙

鷗時起白蘋洲佳辰勝會真難得千載如逢赤
壁秋

四

罇空客散便成離回首那堪別後思莫道忍間
千里阻夢魂猶有往來時

輓李舅氏

趙公東道

峽裏辭違落幾蕘殘年倍切渭陽情那知日
音容隔恐賦些章滄淚零花甲九旬人所罕祖
孫三世福誰京重泉應與先慈會為說孤兒鬢
髮星

贈汝鳩金稚玉

尚琦

水非山南幾歲離
偶成奇遇話心期
人間聚散元無定
却恐催題送別詩

二

江上青山山下廬
故人眠食近何如
祇緣衰懶稀相訪
非是無情記憶疎

三

世味辛甘已遍嘗
半生何事踏羊腸
同君來往寬閒野
乘興還忘鬢髮蒼

次稚玉首尾體韻

可惜光陰如轉車殘春屈指日無餘良辰會面
真非偶暮境交情却倍初共把清觴細草雙
垂白髮數羣魚吾儕得意須行樂可惜光陰如
轉車

二

可惜光陰如轉車幸逢冰老賞春餘巖花半落
風吹後堤柳增輝雨過初沂興况親聞舍瑟濠
遊豈獨擅觀魚相攜勸酒君無怪可惜光陰如
轉車

三

可惜光陰如轉車相看華髮幾莖餘君猶勤苦
詩無敵我幸優游賦遂初攜手欲追商嶺鳳臨
流何羨釣臺魚芳辰好會堪乘興可惜光陰如
轉車

再次首尾體韻

蓬門何恨斷來車罇酒逢迎苦憶餘肝膽更披
頭白後瓊琚隨落眼青初誰知霧隱南山豹曾
行天游北海魚醉裏相看兩不厭蓬門何恨斷
來車

二

蓬門何恨斷來車世上交情半耳餘
雲樹戀深經歲後金蘭歡洽展筵筵
初岡頭雨歇宜尋蕨磯上風微可釣
魚矮帽短筇頻會面蓬門何恨斷來
車

又

何關駟馬與高車樂在幽閒不願餘
萬事都忘殘夢裏一罇相對晚涼初
紛囂堪笑爭真履懶惰無心辨魯魚
養素全真足安分何關駟馬與高車

二

何關駟馬與高車晚占田園數畝餘
花落草生春去後鶯歌燕舞睡興初
不妨時起西湖鶴莫負同觀丙穴魚
投老萬緣俱掃盡何關駟馬與高車

輓金君時省

疎拙吾偏愛飢寒衆所憐同鄉成白首
此別聞黃泉曉月窮山裏霜風落木邊
翩翩丹旆去瞻望淚潸然

輓南君海容

端良純謹小鄉評人道公堂有滅明
惆悵徽音

今寂寞青山何處哭新塋

次甲方叔益梅韻

時方叔
蒙赦還

相潭久別故園梅幾使孤根待主來
雨露同霑無爾我心期暗託絕嫌猜
芳姿恍若春生面勁節還疑玉作胎
遙想月明窻壁靜盆前應醉蘸香盃

輓鶴沙金丈

應祖

冰雪清操仙鶴姿不知巖上早從師
銀臺玉署三朝望龜首龍趺五郡思
恩典遠加鄉黨慶隣眷忽輟士林悲
餘生戀德今安仰漬酒情乖

淚自垂

輓洪君是榮

術家本茫昧小道豈稱君祇是相知久難忘屢
顧勤衰年顏面阻今日死生分惆悵囊中訣寥
寥不復聞

輓南大受

海準

往時頻沐過龜廬暮境分張各異居惆悵舊遊
眞夢耳淒涼哀輓忍書諸親知歷數惟吾最福
慶俱全孰子如祇恨未成蒿里餞白頭瞻望淚
霑裾

樂善堂成後偶吟

小堂端合養衰翁
高枕冥棲世念空
祇願年豐家國泰
秋來雞酒比隣同

二

半生堪笑夢邯鄲
老去投閒分所安
瀟灑小軒佳趣足
白雲青嶂畫中看

三

山如屏障谷如盤
誰識幽人樂考槃
蕭颯雨聲驚午夢
枕邊微覺鬢毛寒

四

前臨碧沼後蒼巖洞壑幽深樹影寒外客不來
門晝掩懶搖團扇臥窻間

持寶寺酬唱韻

白霧連山雨脚飛林深苔滑路依微天公亦解
分離恨鎖斷歸程暫駐騑

輓朴寶城

宗初

禁密初登選邊陲再典城繞閭擁皂蓋誰料返
丹旌埋沒封侯志悲涼相紉聲友于人共識遺
行入鄉評

輓柳善父

庚子生同到白頭曾從伯仲季間遊聯珠寶彩
今難覲別鶴哀吟獨未休詩禮庭前蘭日茂
季廉船上月空留去秋罇酒江村會一夢依然滄
自流

次洛臯堂韻

按洛臯堂卽故正
李公爾松江亭也

白茅新蔭數間堂戶牖憑高枕席涼
遠岫出雲螺髻聳平波漾日錦紋長
早知養拙應吾道晚
覺安心是藥方
煙月釣遊堪送老
濁醪麤飯亦

何妨

孤松集卷二